

DIE MEULENAAR



Amptelike Nuusbrief
van die
BOND VAN DIE VERMEULEN FAMILIE
Posbus 340, Fontainebleau, 2032
Tel: (011)793-7271 Sel: 082 921 0344
Web bl: www.users.lantic.net/jverm

Jaargang 2: 2002/3

November 2001

A1. JOHANNES URBANUS VERMEULEN / DIE STIGTING VAN HOPETOWN (HOOPSTAD)

Johannes Urbanus Vermeulen – 'n afstammeling van Jan (Willemzoon) – is gebore te Caledon op 1815-12-27.

Hy en sy broer, Christoffel Johannes gebore 1813-11-08, was veeboere. (Johannes boer te Drie Kuilen, Caledon). Hulle trek mettertyd met hul vee na Colesberg. Christoffel trek verder na Hanover waar hy hom vestig op die paas Kwikstertfontein. Christoffel was twee keer getroud maar beide huwelike was skynbaar kinderoos.

Johannes boer te Colesberg en word verkies tot diaken van die plaaslike N.G. Kerk.

Die plaas Duvenaarsfontein is op 1839-02-25 aan Michiel van Niekerk toegeken. Hy is op 1839-12-30 oorlede. Sy weduwee Hester hertrou met Siewert Christiaan Wiid. Wiid rig 'n skrywe aan die sinodale kommissie van die N.G. Kerk. Die skrywe word na die ring van Graaff-Reinet verwys. In die skrywe bied Wiid sy plaas te koop aan aan die N.G. Kerk vir die stigting van 'n dorp / N.G. Kerk. Hy skryf o.a. "Alleen wil ik aanmerken dat dezelve 20 uren te paard van Colesberg ligt, en nog 20 uren aan de andere zijde door witte menschen bewoond wordt." Wiid se skrywe word vergesel van 'n versoekskrif van 70 ondertekenaars wat pleit vir 'n eie kerk. Hul skryf o.a. "Wij ondergetekenden, in- en omwoners van die plaas Duvenaarsfontein, reeds jaren lang de behoefté gevoeld hebbende aan een Kerkplaats in ons midden, door dat wij gemiddeld 20 uren te paard van eenig dorp verwijderd zijn, ...".

Die ring van Graaff-Reinet (N.G. Kerk) vergader in 1853 en word 'n kommissie benoem om die saak verder te ondersoek. Op 1854-02-18 vergader die kommissie op Duvenaarsfontein. Die kommissielede was: ds. J. Murray, oudl. S.D. Naudé en J.P. van der Walt en diaken J.U. Vermeulen van Colesberg. Sekere voorwaardes word aan Wild gestel alvorens die kerk die plaas sou koop, en kies die kommissie Ds. W. Murray, drie ouderlinge en vyf diakens (o.a. Johannes Urbanus Vermeulen) as die eerste kerkraad van die nuwe gemeente. Op die eerste kerkraadsvergadering gehou op 1854-05-06 besluit die kerkraad om die plaas van Wild te koop teen 'n bedrag van 1,125 pond. Hopetown en die N.G. Kerk word gestig en op die plaas gevestig. Johannes self koop vir hom die plaas Elandsdraai in die boog van die Oranjerivier. Hy boer aldaar tot sy dood op 1883-12-21. Hy is ook op die plaas begrawe.

Johannes trou op 1838-02-10 met Christina Susanna Helena Badenhorst. Sy is op 1853-08-30 te Drie Kuilen, Caledon oorlede. Die egpaar het 6 kinders gehad. Johannes trou weer met Hendrika Margaretha Fourie. Sy is op 1859-12-24 te Drie Kuilen, Caledon oorlede. Die egpaar het drie kinders gehad.

Johannes was nou 'n ouderling in die kerk en moes ook die katkisante onderrig. In sy klas was daar 'n blonde meisie met blou oë. Sy wens was dat een van sy seuns met haar moes trou. Skynbaar het hul nie Johannes se belangstelling gedeel nie want op 1860-04-18 trou Johannes te Colesberg met die katkisant – Clazina Fredrica Grabe gebore 1842-12-12. Sy was 17 en Johannes 44. Die ouderdomsverskil was skynbaar nie relevant nie – die egpaar het 17 kinders gehad. Die jongste kind is op 1883-08-04 gebore – toe Johannes reeds 67 jaar oud was. Johannes is 4 maande later oorlede op 1883-12-21.

Clazina hertrou op 1885-01-09 met Jan du Toit van Doringbult. Die egpaar het twee dogters gehad.

Johannes het dus 26 kinders gehad (9 seuns en 17 dogters) – gebore tussen 1839-02-12 en 1883-08-04. Hy is dan ook – sover bekend – die amptelikehouer van die rekord deur 'n Vermeulen wie die meeste kinders gehad het!

Die jongste 17 Vermeulen kinders, het egter elk nog 10 halfbroers / susters gehad!

Johannes Urbanus was 'n geseënde man. Behalwe vir die aantal kinders, was hy welgesteld en is Clazina as 'n skatryk weduwee nagelaat. Hy kan ook onthou word as een van die stigterslede van Hopetown en die plaaslike N.G. Kerk.

Daar is vandag steeds heelwat persone wie die van Vermeulen dra in Hopetown. Sover bekend, is hulle almal afstammelinge van Johannes Urbanus.

Die volgende lede is agter-agterkleinkinders van Johannes:

- Christoffel Johannes (Lid J5)
- Dr. Stephanus Ockert (Lid J20)

A2. GILIAM CHRISTOFFEL VERMEULEN

Giliam – gebore 1933-01-17 – is 'n agter-agterkleinkind van Jacobus Gerhardus (Kootjie) – verwys artikel A in Die Meulenaar van Julie 2001. Hy is algemeen bekend as Gielie.

Gielie was slegs 20 jaar oud toe hy sy provinsiale rugbyloopbaan begin het. Hoewel hy 'n slot was, moes hy die dag noodgedwonge in die voorry gaan sak vir Oos-Tranvaal. Sy teenstander – niemand anders as die Springbokstut Harry Newton-Walker. Hy het daarna meer as 50 wedstryde as slot vir Oos-Transvaal gespeel. Hy het ook vir Transvaal senior rugby gespeel en was die eerste afrigter van Vaaldriehoek toe dié in 1984 nog as 'n subunie van Transvaal aan die Sport Pienaarbeker begin deelneem het. Die Vaaldriehoek het onder Gielie se afrigting 3 jaar agtereenvolgens die eindstryd gehaal nl. 1982-1984.

Gielie het 4 kinders – 'n dogter en 3 seuns. Sy seun Cornelius Willem (Neels) het Transvaal in 1979 by die Cravenweek vir hoërskole verteenwoordig as flank. Sy ander seun, Roelof Johannes het Vaaldriehoek in 1991 verteenwoordig by die Cravenweek vir hoërskole – as slot. Roelof het ook op skole- en Cravenweek-vlak afgerig. Gielie se derde seun – Giliam Christoffel (Gielie) het Transvaal in 1974/5 by die Cravenweek vir hoërskole verteenwoordig as slot. Laasgenoemde se seun – Giliam Christoffel (Chris) het die Valke in 2000/1 by die Cravenweek vir hoërskole verteenwoordig – natuurlik ook as slot. Chris was in 2001 ook kaptein van die Valke.

Voorwaar 'n praktiese geval van : "Die appel val nie vêr van die boom af nie."

B. LIDMAATSKAPAANGELEENTHEDE

B1. LEDE

Sedert ons vorige nuusbrief is twee en twintig verdere aansoeke om lidmaatskap ontvang. Al die aansoekers is as lede toegelaat. Ons wil u hartlik

welkom heet as lede van die Bond. Die Meulenaar vertrou dat ons verbintenis tot wedersydse voordeel sal wees.

B1.1 AFSTAMMELINGE VAN JAN (WILLEMZON)

	Naam	Adres	Tel
36	Me Estelle Prinsloo (gebore Vermeulen)	Heuwel 108, Lieveartstraat 672, PRETORIA-WES, 0183	(012) 386 5002
37	Mnr Hendrik Johannes Albertus Vermeulen	Posbus 3642, BRITS, 0250	(012) 250 3030
38	Me Irene Vermeulen (gebore Vermeulen)	Saundersstraat 25, DURBANVILLE, 7550	(021) 975 4901

B1.2 AFSTAMMELINGE VAN DIRK (CORNELISZON)

	Naam	Adres	Tel
41	Mnr Andrew Johan Vermeulen	Saundersstraat 25, DURBANVILLE, 7550	(021) 975 4901
42	Me Anielle Chrisna van Staden (gebore Vermeulen)	Posbus 1314, GROENKLOOF, 0027	(012) 460 3960
43	Mnr Barend Daniël Vermeulen	Posbus 2669, NYLSTROOM, 0510	(014) 717 1584
44	Me Catharina Dorothea Vermeulen	Posbus 566, NORTH RIDING, 2162	(011) 795 1867
45	Mnr Coenraad Dirk Vermeulen	Posbus 1460, FONTAINEBLEAU, 2032	(011) 793 3412
46	Mnr Francois Nicholas Vermeulen	Posbus 313, VREDENDAL, 8160	(027) 213 3665
47	Me Iris Norah Stephens (gebore Vermeulen)	Posbus 240, EIKENHOF, 1872	(011) 948 9676
48	Mnr Jacobus Hendrik Vermeulen	Posbus 566, NORTH RIDING, 2162	(011) 795 1867
49	Mnr Jacobus Hendrik Vermeulen	Posbus 566, NORTH RIDING, 2162	(011) 795 1867
50	Mnr Jan Albert Vermeulen	Posbus 743, IRENE, 0062	(012) 997 1995
51	Jean-Pierre Vermeulen	Speciosastraat 46, Paradykloof, STELLENBOSCH, 7600	(021) 880 1190
52	Mnr Leon Vermeulen	Posbus 1314, GROENKLOOF, 0027	(012) 344 3404
53	Me Liezel Vermeulen	Posbus 566, NORTH RIDING, 2162	(011) 795 1867

	Naam	Adres	Tel
54	Me Liezl Hesketh (gebore Vermeulen)	Posbus 1314, GROENKLOOF, 0027	(012) 344 3404
55	Me Lorna Margaret Vermeulen	Posbus 1314, GROENKLOOF, 0027	(012) 344 3404
56	Ds Matthys van As Vermeulen	Samsonsingel 101, Brummeria, PRETORIA, 0184	(012) 804 1182
57	Mnr Pierre André Vermeulen	Posbus 1314, GROENKLOOF, 0027	(012) 344 3404
58	Me Rochelle Buchan (gebore Vermeulen)	Posbus 1314, GROENKLOOF, 0027	(012) 344 3404
59	Mnr Wessel Vermeulen	Posbus 566, NORTH RIDING, 2162	(011) 795 1867

B2. VERMEULEN STREEKBYEENKOMS

B2.1 PRETORIA : 2001-10-20

Die derde byeenkoms is te Pretoria gehou. Alhoewel die byeenkoms wyd geadverteer is, was die bywoning uiterst teleurstellend. Selfs die reën kan nie as verskoning gebruik word nie – beide die vergadering en braai was onderdak gehou! Vyftien persone het bevestig dat hul gaan bywoon, maar het net nie opgedaag nie. Die Bond het 'n verdere vyftien lede in Pretoria en omgewing. Geeneen van die lede was teenwoordig of het ons gekontak om verskoning aan te teken nie!

Die volgende resultate is behaal:

- 35 persone was teenwoordig.
- 17 (van die 35) is lede van die Bond.
- 2 (van die 35) is vriende van die Bond.
- 18 nuwe lede het aangesluit.
- 'n Netto verlies van R18,14 is behaal.

C. GEDIGTE

Die Meulenaar het die volgende gedigte ontvang:

C1. VANAF JOHAN VERMEULEN, TEL. (021) 553-1885

DIE WA	DIE NUWE LAND
Afrikanerosse voor die wa, horings van hier tot daar. Touleier by die vooros, Sweepklapman agter op sy pos.	Langs Gariep se oewers, Olifants en Vaalrivier, Staan boompies regop en fier.
Draai die briek maar los, 'n Lewensreis na die volgende pos. Die voorslag trek nou los, Sweepknalle deur die bos.	Bossiesveld het plekgemaak, landerye is staangemaak. Boer en Boerin het verskil gemaak.
Osse begin vorentoe dryf. Touleier hou die leiriem styf, die vooros wil jou met sy horings vryf.	'n Land is gebore, en eendag na vore, jou nageslag beskore.
Op die wakis sit die drywer, 'n trekboer van beroep. Die veertien osse luister, as hy op hul name roep.	'n Volk se vryheidsdrang, sy smag na eie goed en belang, word nie maklik toegehang.
Die wa is swaar gelaai, Negosiegoed nie te versmaai. 'n Katel ook in sy buik, onder hang die hoenderfuik.	Daar is hoop Boer en Boerin, kyk jou Volk het 'n nuwe land begin. Dit is tyd om te bou en ontgin.
In die wakis waarop hy sit, is die Bybel veilig weggesit. Langs hom staan sy langlooproer. Niks gaan hom ontroer, hy is 'n boer.	In die hart van Suider-Afrika, blink die môrester oor ons Etopia. Dit is ons eie Afrika.
Die reis het hy met ossewa begin, berg en vlake het hy ontgin. Sy nageslag sal moet besin, of hul sal die reis weer van voor begin.	Die beginpunt besig om te groei. Die grens die oos en wêstekus. Die land vir sielerus.
Onthou waar kom jy vandaan. Ou Europa het hier kom staan. Moenie dink dit is sommer laf, anders kom jou wa se wiele af.	

C2. VANAF OOM DIRK VERMEULEN, TEL. (021) 853-7671

KERSGESKENKE	PERSPEKTIEF
<p>In die Ooste het wyse manne gekyk Hoe die sterre kom en gaan Vas in reëldaag volg hui baan Tot een helder ster die baan uit wyk In skrifte van wyse profete Ook in die Heilig' Boek Naarstiglik het hul gesoek Só, kom hul die stergeheim te wete Reise gaan oor dorre woestyn, berg en dal! Tot hul God's enige Seun, die Christus-kind By die krip en Maria in doeke vind Wyl helder dié ster vonkel oor Bethlehemstal.</p> <p>Uit skatkamers het hul gehaal Goud, edel koninklike metaal Wierook wat lieflik geur versprei Teen uiters hoë koste verkry Mirre, geurig, gesogte gom Met sorge en moeite bekom Dit lê hul aan SY voete neer Koninklik word HY vereer</p> <p>My geskenk:- My sondig lewe aan die Kruis se voet Om dit te reinig met SY kosbaar Bloed Geheel my siel en ligmaam Hom gewy Dat HY my al in besit mag kry Aan Hom volkome toevertrou Om aan SY koninkryk te bou.</p>	<p>As die toekoms pikdonker lyk Jy teen die onsekere vaskyk Sak laag op jou knieë neer Rig jou oë hemelwaarts weer Kyk by die ontstellende verby Om regte perspektief te verkry Jy sal besef die pad wat jy moet gaan Is suwer, foutloos deur GOD gebaan.</p>

D. HET U GEWEET?

1. Dat SARVU se eerste streekrugbytoernooi vir vroue op Vrouedag – Vrydag 2001-08-09 - te Loftus Versfeld, Pretoria gehou is. Die Bulls het

al drie hul wedstryde gewen, sonder dat 'n enkele punt teen hul aangeteken is. Denise Vermeulen was een van die flanke van die Bulls.

2. Dat Irene Vermeulen (Lid J38) getroud is met Andrew Johan Vermeulen (Lid D41). Irene is dus ook 'n "dubbele" Vermeulen.
3. Dat Irene 'n afstammeling van Jan (Willemzoon) is en Andrew 'n afstammeling van Dirk (Corneliszoon). Irene en Andrew is dan ook ons eerste twee lede waar 'n afstammeling van Jan getroud is met 'n afstammeling van Dirk.
4. Dat Johannes Urbanus (A1) nie sy titel van "Die Vermeulen met die meeste kinders" sonder inspanning verwerf het nie. Hy het sterk teenstand gehad van Ockert Cornelis Vermeulen gebore 1854-05-29. Ockert was woonagtig te Kleinvisrivier, Sutherland. Hy was eers getroud met Magdalena Christina Vermeulen gebore 1857-07-18. (Sy was 'n volbloed Vermeulen deurdat beide haar ouers Vermeulens was). Die egpaar het twee kinders gehad. Ockert hertrou met Anna Christina du Plessis. Hul het elf kinders gehad. Na Anna se dood trou Ockert met Neeltje Abramina van Wyk. Die egpaar het twaalf kinders gehad. Die oudste seun van Ockert is gebore 1876/7 en die jongste dogter op 1919-07-30. Daar was 15 seuns en 10 dogters.
5. Dat Anna Christina du Plessis (D4) 'n jonger suster was van Gezina du Plessis. Gezina was getroud met Paul Kruger, President van die Zuid Afrikaanse Republiek.
6. Dat die Bond huidig 102 lede (97 lede; 5 vriende) het.
7. Dat Ds. Matthys van As Vermeulen (Lid D56) ons honderdste lid is.

E. ADVERTENSIES

E1.

DIE MEULENAAR
POSBUS 340, FONTAINEBLEAU, 2032
TEL: 011-793 7271

KOPIEë VAN VORIGE UITGAWES IS TE KOOP TEEN R10 PER KOPIE. PLAAS U BESTELLING BY BOGENOEMDE ADRES. BETALING MOET U BESTELLING VERGESEL.

**E2. DIE BOND VAN DIE VERMEULEN FAMILIE BIED DIE VOLGENDE
AANDENKINGS TE KOOP AAN:**

E2.1 DRANK (WYN)

Die etikette – op die bottels - vertoon die Bondnaam, Streekbyeenkoms Gansbaai en die datum 2000-12-16/17. Soortgelyke etikette vertoon die streekbyeenkomste te Carnarvon en Pretoria. Prys R25 per bottel.

E2.2 GLASE

Die glase vertoon die Bondnaam sowel as die Bondwapen. Dit is gegraveer op die glase.

- 500ml bierbeker R20 elk
- 400ml (bier)glas R15 elk
- 690ml bierglas R20 elk

Plaas u bestellings by:

- Izak Vermeulen Tel. (011) 793-7271. Sel 082 921 0344.
- Johan Vermeulen Tel. (021) 553-1885.
- Anna Fourie Tel. 0533832 vra vir 2221.
- Johan Vermeulen Tel. (018) 468-1473. Sel 083 627 0573.

E3.

PRETORIA

"That's it!"

Guest Home (B&B)



Come and Enjoy fine South African hospitality with hosts Leon and Lorna Vermeulen



Our home is situated in the quiet leafy suburb of Chelsdale, which is within walking distance of the University of Pretoria, popular Hatfield and many excellent restaurants.

Take time to relax in our beautiful garden

Enjoy luxury accommodation at affordable prices.

EIENAARS:


LEON EN LORNA VERMEULEN

Tel. (012) 344-3404

Faks. (012) 343-5270

"That's it!"

Guest Home (B&B)



We offer 4 double en-suite rooms with TVs, fridges, tea & coffee making facilities, electric blankets, fans and heaters.

Shuttle service available to our door

5 Brether Street, Clydesdale, Pretoria, 0002

Tel (int'l): +27 (0)12 344-3404

Fax: (012) 343-5270

E-mail: thatst@compuserve.com


Website: www.genteng.com/thatst



Member of
Bed & Breakfast Association of Pretoria

DIE MEULENAAR – Bladsy 10

E4.



Prysllys

Briehoofde @ 20c elk	25 = R 5,00 50 = R10,00 100 = R20,00
Koeverte @ 50c elk	25 = R12,50 50 = R25,00 100 = R50,00
Elbé van Gooswilligen	
Besigheidskaartjies @ 50c elk	25 = R12,50 50 = R25,00 100 = R50,00

Tel (021) 863 2875 Celi 083 288 4805
21 Oranje Street Central Paarl 7505

Posgeld	R20 per groot pakkie R10 per klein pakkie
---------	--

KONTAK: **ELBé**
TEL. (021) 863-2875
SEL. 083 288 4805

- Die briefhoof bevat die Bondwapen in die middel, u naam en adres links en u tel. nr., sel. nr. ens. aan die regterkant. Skrif is in blou.
- Die koevert bevat die Bondwapen – links, aan die voorenkant van die koevert.
- 'n Voorbeeld van die besigheidskaartjie is ingesluit.

F. ALGEMEEN

Lede word asseblief versoek om:

- (i) Familie aan te moedig om ook lede van die Bond te word (slegs lede sal geregtig wees om die beplande geslagsregister aan te koop en die Bondwapen te gebruik).
- (ii) Klein advertensies oor dienste wat uself/u bedryf aanbied in te stuur vir publikasie. (Die diens is huidig gratis. Bestuur behou egter die reg om die volume per uitgawe te beperk en om die advertensies te wysig (verkort)).

- (iii) Enige interessaantheid aangaande die Vermeulen familie in te stuur vir publikasie. (Bestuur sal weereens eie oordeel oor publikasie/verkorting gebruik).
- (iv) Ons webruimte te besoek vir verdere inligting oor die Bond.
- (v) Voorstelle in te stuur oor onderwerpe ens. vir oorweging deur Bestuur.
- (vi) Ons te voorsien van foto's (afdrukke), familiebybels en ander gedenkwaardighede vir bewaring in die beoogde Vermeulen museum.

DIE BESTUUR VAN DIE BOND EN
DIE MEULENAAR WENS U 'N
GESEEËDE KERSFEES EN 'N
VOORSPOEDIGE NUWEJAAR TOE.

HARTLIKE VERMEULEN GROETE

DIE MEULENAAR – Bladsy 12
